

## ARABA URAREN AGENTZIA SAREN KONTRATAZIORAKO BARNE JARRAIBIDEAK

### HITZAURREA

ARABA URAREN AGENTZIA, SA kide bakarreko sozietate anonimoa da; beraren kapitalaren % 100 Arabako Foru Aldundiarena da eta Ingurumen Sailari atxikita dago.

Sektore Publikoko Kontratuei buruzko urriaren 30eko 30/2007 Legearen onarpenak lege esparru berria ezarri du Agentziaren kontratazioetarako.

30/2007 Legeko 175.b) artikulua arabera, herri administrazio ez diren sektore publikoko erakundeetako organo eskudunek kontratazio prozeduretan nahitaez aplikatu beharreko jarraibideak onartu behar dituzte ondoko xede hauek bermatzeko: prozeduretan publikotasunaren, lehiaren, gardentasunaren, konfidentzialtasunaren, berdintasunaren eta bereizkeriarik ezaren printzipioak betetzea eta kontratua eskaintza ekonomiko hobereana aurkezten duenari esleitzea.

Hori dela eta, jarraibide hauek ezarri dira ARABA URAREN AGENTZIA, SAREN kontratazioetako barne prozeduretarako.

### 1. ARTIKULUA.- Xedea.

Jarraibide hauen xedea ARABA URAREN AGENTZIA, SAREN kontratazioetako barne prozedura arautzea da, Sektore Publikoko Kontratuei buruzko urriaren 30eko 30/2007 Legean xedatutakoarekin bat etorritz.

### 2. ARTIKULUA.- Aplikazio eremua.

Jarraibide hauek erregulazio bateratuari atxiki gabeko kontratazio prozeduretan aplikatuko dira (prozedurok beherago zehaztuko dira).

Jarraibide hauek ondoko kontratuen prozeduretan aplikatu behar dira: 5.150.000 eurotik beherako balio zenbatetsia duten obra kontratuak, 206.000 eurotik beherako balio zenbatetsia duten hornikuntza kontratuak, Sektore Publikoko Kontratuei buruzko urriaren 30eko 30/2007 Legearen II. eranskineko 1 – 16 kategorietan azaldutako zerbitzu kontratuetatik balioa zenbatetsia 206.000 eurotik beherakoa dutenak, eta eranskin horretako gainerako kategorietako zerbitzu kontratu guztiak, zenbatekoa gorabehera.

Halaber, Sektore Publikoko Kontratuei buruzko urriaren 30eko 30/2007 Legeko 13.2. artikuluan ezarritako kontratuen prozeduretan era aplikatuko dira, haien zenbatekoa gorabehera.



#### 4. ARTIKULUA.- Kontratazioaren printzipio orokorrak.

Jarraibide hauek aplika dakizkieken kontratuak SPKLren 1. artikuluan jasotako printzipioek arautuko dituzte eta horien esleipena, nolahi ere, publizitate, lehia, gardentasun, konfidentzialtasun, berdintasun eta bazterkeriarik gabeko printzipioen pean geratuko da, SPKLren 175. artikuluekin bat etorriz.

Aurreko paragrafoan adierazitako printzipioak betetzen direla bermatze aldera, ARABA URAREN AGENTZIA, SAK izapidetzen dituen kontratazio prozeduretan, kontratazioko organoen jarduera, jarraibide hauen arabera, edozelan ere, aipatutako printzipioen asebetetzera bideratuta dago.

Printzipio horiek betetzat emango dira jarraibide hauen hurrengo ataletan ezarritako arauak betez. Horiek aplikatu eta interpretatzeko jarduteko gidalero hauek hartuko dira kontuan:

- a) Publizitate printzipioa bete dela ulertuko da, balizko lizitatzailer oren onuran, ARABA URAREN AGENTZIA, SAKo kontratuaren informazioa ematen duten eta merkaturaren konpetentziari irekitzeko bidea ematen duten zabaltzeko edo hedatzeko bitarteko egokiak eta nahikoa eskuragarri daudenak aplikatzen direnean.
- b) Gardentasun printzipioa betetzat joko da balizko lizitatzailer orok lizitazioan parte hartzeko interesa duela adierazteko bidea ematen duen informazio egokia zabaltzen edo hedatzen denean, kasuan kasuko kontratua esleitu baino lehen. Orobat, printzipio horrek parte hartzaile guztiek esleitu nahi den kontratuari aplika dakizkieken arauak aldeztu aurretik ezagutu ditzaketela dakar, baita aipatutako arauak modu berean erakunde guztiei aplikatzen zaizkiela ziur jakitea ere.
- c) Jarraibide hauetan ezarritakoaren arabera, balizko lizitatzaileraren sarbidea eta parte hartzea erraztuko duten beharrezko neurriak hartuko dira kontratua ekonomikoki onena den eskaintzari esleitze aldera.
- d) Konfidentzialtasun printzipioa errespetatuko da ARABA URAREN AGENTZIA, SAK bere gain hartzen duen enpresariak isilpekotzat jo duten emandako informazioa ez zabaltzeko betebeharra, betiere horretarako justifikatutako arrazoiak baldin badaude eta, bereziki, eskaintzen sekretu teknikoak edo merkataritza sekretuak eta isilpeko alderdiak. Era berean, printzipio horren aplikazioak eskatzen du kontratistek izan dezaketen informazioaren isilpeko izaera errespetatu behar izatea, agirietan edo kontratuan izaera hori eman zaion kontratua burutzerakoan, edo bere izaera dela-eta horrelakotzat jo behar izatea.
- e) Berdintasun eta bereizkeriarik gabeko printzipioak bermatzeko, prozeduren inpartzialtasuna eta ekitatea bermatzeko duten beharrezko neurriak hartuko dira. Neurri horiek, gutxienez, honako hauek hartuko dituzte barne:
  1. Kontratuen xedea modu ez baztertzailan idatziko da beti, fabrikazio, jatorri edo produktu jakinei erreferentzia egin gabe, marka, patentea, mota, jatorria edo produkzio jakina aipatu gabe. Halakorik emateko egoki justifikatu beharko da eta aipu "edo baliokide" batekin lagundu beharko zaio.

2. Europar Batasuneko beste estatu kide batzuetako balizko lizitzaileekiko bazterketa zuzena edo zeharkakoa dakarren baldintzarik ez da ezarriko.
3. Hautagaiei tituluak, ziurtagiriak edo justifikatzeko beste edozein agiri aurkezteko eskatuz gero, beste estatu kideetatik datozen agiriak tituluak, ziurtagiriak eta beste diplomak elkar onartzeko printzipioak dioenarekin bat onartuko dira.
4. Interesa agertzeko edo eskaintzaren bat aurkezteko emandako epeak egokiak izango dira beste estatu kideetako enpresek ebaluazio egokia egin eta eskaintza aurkeztu ahal dezaten.
5. Esleipen prozeduran hornitzaile batek baino gehiagok parte hartzen duten kontratuetan, ARABA URAREN AGENTZIA, SAK horiek guztiek kontratuari buruzko datu berak eta baldintza berberekin dituztela bermatuko du.

#### 5. ARTIKULUA.- Kontratazio organoak eta eskumenak.

Kasu bakoitzeko kontratazio organoa ARABA URAREN AGENTZIA, SAREN Estatutuetan eta aplikatzen zaizkion gainerako xedapenetan ezarritakoaren arabera zehaztuko da. Hori gorabehera, beste organo batzuei ere eman dakizkieke ahalordetzeak eta eskuordetzeak.

#### 6. ARTIKULUA.- Eska daitezkeen bermeak.

6.1.- Kontratuaren inguruabarrak eta ezaugarriak kontuan hartuta, kontratazio organoak bermea jartzeko eskatu ahal izango die lizitzaileei edo hautagaiei eskaintzei esleipen egunera arte eutsiko diotela ziurtatzeko. Gainera, esleipendunari beste berme bat eskatuko dio prestazioaren burutzapen egokia ziurtatzeko.

Bermeen zenbatekoak kontratuaren inguruabarren eta ezaugarrien arabera ezarriko dira.

Eskatzen diren bermeak SPKLko 84. artikuluan azaltzen den bezala aurkez daitezke.

6.2.- 30/2007 Legean ezarri da hautazkoa dela behin-behineko bermea eskatzea. Bada, oro har, ARABA URAREN AGENTZIA, SAK ez du halakorik eskatuko deitzen dituen lehiaketetan, kontratu jakin batzuetan, inguruabar bereziak direla eta, komenigarritzat jotzen denean izan ezik.

#### 7. ARTIKULUA.- Kontratistaren gaitasuna.

ARABA URAREN AGENTZIA, SAREkin honako hauek bakarrik kontratatu ahal izango dute: pertsona fisikoek edo juridikoek, espainolek edo atzerritarrek, jarduteko erabateko gaitasuna dutenek, kontratatze debekuren batean sartuta ez daudenek eta ekonomia eta finantza kaudimena eta gaitasun tekniko eta profesionala frogatzen dituztenek.

Kasu bakoitzean eskatuko diren gaitasunaren eta kaudimenaren gutxieneko baldintzak kontratuaren xedeari lotuta egon beharko dute eta horrekiko proportzionalak izan beharko dute.

Sektore publikoko erakunde guztiei aplikatu ahal zaizkien SPKLko xedapenak gorabehera, kontratatze kaudimena eta lanbide gaitasuna edo gaitasun tekniko frogatzeko modua lizitazioan finkatuko da kontratuaren inguruabarren eta ezaugarrien arabera.

Kontratazio organoak bidezkotzat jotz gero, SPKLko 64 - 68 bitarteko artikuluetan ezarritakoa aplikatu ahal izango da.

Orobat, SPKLko 54.5. artikuluekin bat etorriz, kontratuaren inguruabarren eta ezaugarrien arabera, enpresariaren gaitasuna sailkapenaren bitartez frogatzeko eskatu ahal izango da.

Enpresariaren kaudimenaren eta gaitasunaren inguruko gutxieneko betekizunak eta haiek frogatzeko aurkeztu beharreko dokumentazioa lizitazioaren iragarkian adieraziko dira eta kontratuaren agirian zehaztuko dira, baldin eta jarraibide hauen arabera eskatu behar badira.

## 8. ARTIKULUA.- Kontratatzeko prozedurak.

### *I.- Arau orokorrak.*

I.1.- ARABA URAREN AGENTZIA, SA publikotasunaren, lehiaren, gardentasunaren, konfidentziasunaren, berdintasunaren eta bereizkeriarik ezaren printzipioei lotuko zaie bere kontratazio prozeduretan, eta eskaintza ekonomiko hobereana aurkezten duenari esleituko dio kontratua. Gainera, Sektore Publikoko Kontratuei buruzko urriaren 30eko 30/2007 Legeko xedapen aplikagarri guztiak beteko ditu.

I.2.- ARABA URAREN AGENTZIA, SAK baldintza agirietan kaudimenaz eta gaitasunaz ezartzen diren betekizunak betetzen dituzten pertsona fisiko eta juridiko guztiak kontratatu ahal izango ditu. Kontratuaren zenbatekoa dela eta baldintza agiririk prestatu behar ez bada, eskaintzen eskaeran kontratuaren xedearen arabera beharrezkotzat jotzen diren betekizun guztiak finkatu ahal izango dira.

I.3.- ARABA URAREN AGENTZIA, SAK, 30/2007 Legearen esparruan, ondoko prozeduren artean hautatu ahal izango du kontratazioetan: prozedura irekia, prozedura murriztua edo prozedura negoziatua (publizitatearekin edo publizitaterik gabe).

I.4.- Lehiaketa elkarriketaren prozedura eta proiektu lehiaketa 30/2007 Legean ezarrita dagoen bezala erabili ahal izango dira administrazio kontratueterako, ARABA URAREN AGENTZIA, SAren izaera juridiko berezira egokituta.

I.5.- 50.000 €-tik beherako balioa zenbatetsi zaien obra kontratuak eta 18.000 €-tik beherako balioa zenbatetsi zaien bestelako kontratuak zuzenean esleitu ahal izango zaizkie jarduteko gaitasuna duten enpresariei, kontratuaren xedea burutzeko behar den lanbide gaitasuna edukiz gero.

I.6.- Prozedura irekietan zeinahi enpresarik aurkeztu ahal izango du proposamena. Aldiz, prozedura murriztuan erakunde kontratatzaileak eskaintza eskaera baten bitartez hautatzen dituen enpresariak soilik aurkez dezakete proposamena. Prozedura negoziatuan, kontratua erakunde kontratatzaileak hautatzen duen enpresariari esleituko zaio, kontratuaren zer-nolakoak enpresari batekin edo gehiagorekin kontsultatu eta negoziatu ondoren.

I.7.- Iraupen luzeko hornikuntzetan prezioa urtean zehar aldatzen bada, organo eskudunak kontratazioarako oinarritzko arauak onartuko ditu, eta Zuzendari Nagusiari ahalmena emango zaio haiek garatzeko eta esleipen puntualak egiteko.

I.8.- 30/2007 Legean ezarri bezala, arau hauetan finkatutako kopuruetan ez da sartu Balio Erantsiaren gaineko Zergari (BEZ) dagokion zenbatekoa.

I.9.- ARABA URAREN AGENTZIA, SAREN kontratuen iraupena ezartzeko kontuan eduki behar da nolakoak diren prestazioak eta finantzaketa, bai eta prestazioak aldizka lehiaketara aterata behar diren ere.

I.10.- Kontratuan luzapen bat edo batzuk ezar daitezke, baina horretarako ezinbestekoa da haren ezaugarriak ez aldatzea indarrean dagoen aldi osoan eta esleipenerako lehia haren gehieneko iraupena (luzapenak barne) kontuan hartuta egitea. Luzapenak kontratazio organoak erabakiko ditu eta nahitaezkoak izango dira esleipendunarentzat, kontratuan berariaz besterik ezarri ezean. Ez da bidezkoa alderdiak isilbidezko adostasunera heltzea.

## *II.- Kontratazio prozedurak.*

II.1.- PROZEDURA OROKORRA: kontratu hauetan erabiliko da:

- Hornikuntzak: 50.000 € - 206.000 €
- Zerbitzuak: 50.000 € - 206.000 €
- Obrak: 50.000 € - 5.150.000 €

II.1.1. Kontratazio espedientea.

ARABA URAREN AGENTZIA, SAK Kontrataziorako Baldintza Orokorren Agiria prestatuko du eta ondokoak zehaztuko ditu bertan:

- Lizitatzeko betekizunak (gaitasun teknikoa eta kaudimena).
- ARABA URAREN AGENTZIA, SAK kontratua esleitzeko egin beharreko izapideak.
- Eskaintzak balioesteko irizpideak.

Gainera, ARABA URAREN AGENTZIA, SAK Zehaztapen Teknikoen Txostena egingo du eta bertan kontratazioaren xedea eta eskatzen diren betekizun teknikoak finkatuko ditu.

Lizitazioaren gehieneko aurrekontua kontratazioaren gehieneko zenbatekoa izango da. Eskaintza guztiek gainditzen badute lizitazioaren gehieneko aurrekontua, ARABA URAREN AGENTZIA, SAK lizitazio prozedura hutsik geratu dela adieraziko du.

II.1.2. Lizitazioaren publizitatea.

ARABA URAREN AGENTZIA, SAK Kontratatzailearen Profilean (ARABA URAREN AGENTZIA, SAREN web orria: [www.alavaagenciadelagua.com](http://www.alavaagenciadelagua.com)) argitaratuko du lizitazioaren inguruko informazio guztia, baita agiriak ere, lizitazioan interesatuta dauden guztiek eskaintza aurkeztu ahal izan dezaten, jarraibide hauetako 4. artikuluan ezarri den bezala.

II.1.3. Proposamenak aurkezteko epealdia.

ARABA URAREN AGENTZIA, SAK iragarki baten bidez edo lizitazioaren agirian bertan lizitatzailerik proposamena zein epealditan aurkeztu behar duten zehaztuko du. Beti ere, epealdiak egokiak izango dira lizitatzailerik guztiek, are Europar Batasuneko beste estatu

batzuetako enpresek ere, lizitazioa behar bezala ebaluatu eta eskaintza aurkeztu ahal izateko.

#### II.1.4. Proposamenak aztertzea eta balioestea.

Proposamenak aurkezteko epealdia amaitutakoan, lizitazioa sustatu duen arloak eskaintzak aztertu eta antolatuko ditu, eta prezioa ez beste irizpideak aplikatuta balioetsiko ditu.

#### II.1.5. Esleipen proposamena.

Kontratazio Mahaiak edo ARABA URAREN AGENTZIA, SAREN organo egokiak, kasuan kasukoak, kontratua bere ustez hoberena den eskaintzari esleitzeko proposatuko du, edo bestela informazio gehiago edo argibideak eskatu ahal izango ditu.

Kontratazio Organoak proposatutako enpresari esleitu ahal izango dio kontratua, edo bestela beste lizitatzaileretako bati, baldin eta uste badu haren eskaintza ekonomiaren aldetik hobe dela (honetan arrazoiak azaldu beharko ditu).

#### II.1.6. Esleipenaren jakinarazpena.

Lizitazio prozedura ebatzi ondoren ARABA URAREN AGENTZIA, SAK esleipenaren berri emango die esleipendunari eta prozeduran parte hartu duten gainerako lizitatzailerari. Gainera, kontratua formalizatzeko behar den dokumentazioa eskatuko dio esleipendunari. Lizitazioaren emaitza Kontratatzaileraren Profilean argitaratuko da (ARABA URAREN AGENTZIA, SAREN web orria: [www.alavaagenciadelagua.com](http://www.alavaagenciadelagua.com)): esleipendunaren izena eta esleipenaren zenb atekoa azalduko dira.

## II.2.- PROZEDURA ERRAZTUA: kontratu hauetan erabiliko da:

- a) Zenbatetsitako balioa 200.000 - 1.000.000 euro bitartekoa duten obra kontratuak eta zenbatetsitako balioa 60.000 - 100.000 euro bitartekoa duten hornikuntza kontratuak eta zerbitzu kontratuak.
- b) Zenbatetsitako balioa 50.000 - 200.000 euro bitartekoa duten obra kontratuak eta zenbatetsitako balioa 18.000 - 60.000 euro bitartekoa duten hornikuntza kontratuak eta zerbitzu kontratuak.
- c) Zenbatetsitako balioa 50.000 eurotik beherakoa duten obra kontratuak eta zenbatetsitako balioa 18.000 eurotik beherakoa duten hornikuntza kontratuak eta zerbitzu kontratuak.

### II.2.a) Prozedura erraztua a mailako kontratuatarako.

Prozedura orokorrean bezala, Kontratatorako Baldintza Orokorren Agiria eta Zehaztapan Teknikoen Txostena prestatu behar dira, eta gutxienez hiru eskaintza eskatu behar dira. Gutxieneko eskaintza kopuru horretara heldu ezin bada, espedientean azaldu behar da.

Nolanahi ere, Kontratatzailearen Profilean ARABA URAREN AGENTZIA, SAREN telefonoa eta egoitza agertuko dira, lizitazioan parte hartu nahi dutenek arribideko a) mailako kontratua esleitzeko prozedura erraztuari buruzko informazioa eska dezaten.

Esleipena egindakoan kontratua idatziko da eta eskaintza ezetsi zaien lizitatzzaileei jakinaraziko zaie.

### II.2.b) Prozedura erraztua b mailako kontratuatarako.

Prozedura honetan ez da beharrezkoa deialdiaren publizitatea egitea.

Prozedura orokorrean bezala, Kontratatorako Baldintza Orokorren Agiria eta Zehaztapan Teknikoen Txostena prestatu behar dira, eta gutxienez hiru eskaintza eskatu behar dira. Gutxieneko eskaintza kopuru horretara heldu ezin bada, espedientean azaldu behar da.

Nolanahi ere, Kontratatzailearen Profilean ARABA URAREN AGENTZIA, SAREN telefonoa eta egoitza agertuko dira, lizitazioan parte hartu nahi dutenek arribideko b) mailako kontratua esleitzeko prozedura erraztuari buruzko informazioa eska dezaten.

Esleipena egindakoan kontratua idatziko da eta eskaintza ezetsi zaien lizitatzzaileei jakinaraziko zaie.

### II.2.c) Prozedura erraztua c mailako kontratuatarako.

c) mailako kontratuak zuzenean esleitu ahal izango zaizkie jarduteko gaitasuna duten enpresariei, kontratuaren xedea burutzeko behar den lanbide gaitasuna edukiz gero. Aski izango da gutun baten bidez eskaintza eskatzea enpresari bakar bati. Prozedura orokorrean ez bezala, ez dago Kontratatorako Baldintza Orokorren Agiria eta Zehaztapan Teknikoen

Txostena prestatu beharrik.

Espedientea izapidetzeko ondokoak soilik eskatuko dira: gastua onartzea, aurrekontua, eskaera eta faktura.

### *III.- Beste kontratazio prozedura batzuk.*

Lehiaketa elkarrizketa.

SPKLko 164. artikuluan ezarritako kasuetan lehiaketa elkarrizketa baliatu ahal izango da kontratua esleitzeko. Hala eginez gero, SPKLko 163 - 167 bitarteko kontratuetan xedatutakoa aplikatuko da.

### *IV.- Akordio irekiak hornitzaileekin.*

Kontratazioa arrazionalizatzeko asmoarekin ARABA URAREN AGENTZIA, SAK hornitzaileekin akordio irekia sinatzeko prozedura abiarazi ahal izango du, SPKLko 183 - 185 bitarteko artikuluetan ezarritakoarekin bat etorritz, aldi jakin batean (4 urte gehienez) esleitu nahi diren kontratuen baldintzak ezartzeko. Sistema honen barruan, kontratu kontrataziorako barne jarraibide hauetan ezarritakoaren arabera esleituko da.

Aurrean ezarritako guztia bete behar badu ere, ARABA URAREN AGENTZIA, SAK SKPLko 184.3. artikuluan ezarritakoez beste bitarteko batzuk erabili ahal izango ditu idatz zati honetan ezarritako sistema garatzeko eta beraz baliatuta kontratuak esleitzeko.

Hornitzaileekin akordio irekia sinatzeko prozedura erabili ahal izango da xedea ondasunak eskuratzea edo zerbitzuak egitea den kontratuetan, baldin eta hornitzaile asko badaude eta prezioa hainbat eragileren arabera bada (ad.: mikroinformatikako ekipoak erostea, kontsumigarriak, etab.).

Honelako akordio irekiak inolaz ere ezin dira egin gehiegikeriaz, ez eta lehia eragozten, murrizten edo faltsutzen dela ere.

Hornitzaileekin akordio irekia sinatzeko deialdia Kontratatzailearen Profilean argitaratu behar da, eta kasu batzuetan baita beste hedapenbide batzuetan ere.

Lehen faseko izapideak prozedura orokorrekoak berak izango dira. Kontrataziorako Baldintza Orokorren Agirian hornitzaileekin akordio irekia sinatzeko prozeduraz baliatuta esleituko diren kontratuak esleitzeko arauak ezarriko dira.

ARABA URAREN AGENTZIA, SAK mota honetako hainbat akordio sustatu ahal izango ditu, izaeraren arabera.

### *V.- Kontratuen formalizazioa.*

Bidezko agirian jasota egon ezean, ARABA URAREN AGENTZIA, SAK jarraibide hauei helduta sinatzen dituen kontratuetan ondokoak agertu behar dira nahitaez:

a) Alderdien identifikazioa.

b) Sinatzaileek kontratua sinatzeko duten ahalmenaren egiaztapena.

- c) Kontratuaren xedearen definizioa.
- d) Kontratuari aplikatzen zaion legeriaren aipamena.
- e) Kontratua osatzen duten dokumentuen zerrenda. Kontratuan hala adierazten bada, zerrenda hierarkikoki ordenatu ahal izango da, alderdiek adostutako lehentasun ordenaren arabera. Eta kasu horretan, eta adierazpen akatsik egon ez bada, adostutako ordena prebalentzia zehazteko erabiliko da, agirien arteko kontraesanak baldin badaude.
- f) Egiazko prezioa edo hura zehazteko modua.
- g) Kontratuaren iraupena edo obraren hasiera eta bukaerako estimatutako datak, eta ezarri gero, luzapena edo luzapenenak ere bai.
- h) Prestazioak jasotzeko, emateko eta onartzeko baldintzak.
- i) Ordaintzeko modua.
- j) Akordioa suntziaziko duten inguruabarrak.
- k) Kontratistari ezartzen zaion konfidentzialtasun betebeharraren luzapen objektiboa eta denborazkoa.

Oro har, kontratua kontratista hautatu eta egutegiko hamar egun pasatu baino lehen formalizatuko da, lizitazio agirian edo eskaintzan bestelako epealdia ezarri ez bada.

Kontratuaren formalizazioaren bidez ARABA URAREN AGENTZIA, SAK harekin ados dagoela adieraziko du, eta horrela kontratua burutuko da.

#### 9. ARTIKULUA.- Indarrean jartzea.

Jarraibide hauek ARABA URAREN AGENTZIA, SAKo Administrazio Kontseiluak onartu ondoren jarriko dira indarrean eta ordutik aurrera hasten diren kontratazio prozeduretan aplikatuko dira.

#### 10. ARTIKULUA.- Aldaketak.

Jarraibide hauek noiznahi alda daitezke Administrazio Kontseiluaren erabaki baten bidez, eta modu berean gehikuntzak egin daitezke eta zalantzak argitu daitezke.